

**BOSNA I HERCEGOVINA**  
*Konkurencijsko vijeće*



**БОСНА И ХЕРЦЕГОВИНА**  
*Конкyрeнцијски савјет*

**Broj: 01-50-1-280-13/19**  
**Sarajevo, 16.06.2020. godine**

Na osnovu člana 24. Zakona o ministarstvima i drugim organima uprave Bosne i Hercegovine ("Službeni glasnik BiH", broj 5/03, 42/03, 26/04, 42/04, 45/06, 88/07, 35/09, 59/09, 103/09, 87/12, 6/13, 19/16 i 83/17) i člana 11. Odluke o godišnjem planiranju rada i načinu praćenja i izvještavanja u institucijama Bosne i Hercegovine ("Službeni glasnik BiH", broj 94/14), Konkurencijsko vijeće Bosne i Hercegovine, podnosi

**IZVJEŠTAJ O RADU**  
**KONKURENCIJSKOG VIJEĆA BOSNE I HERCEGOVINE ZA 2019. GODINU**

**Sarajevo,**  
**juni, 2020. godine**

## I - UVOD

Konkurencijsko vijeće Bosne i Hercegovine (u daljem tekstu: Konkurencijsko vijeće) je samostalno tijelo koje je nadležno za dosljednu primjenu Zakona o konkurenciji ("Službeni glasnik BiH", br. 48/05, 76/07 i 80/09) (u daljem tekstu: Zakon) na cijeloj teritoriji Bosne i Hercegovine i ima isključivu nadležnost u odlučivanju o postojanju zabranjenog konkurencijskog djelovanja na tržištu BiH (zabranjeni sporazumi, zloupotreba dominantnog položaja i kontrola koncentracija).

Odredbama Zakona se regulišu različiti oblici sprječavanja, ograničavanja ili narušavanja tržišne konkurencije na teritoriji Bosne i Hercegovine ili izvan njene teritorije, ako postupanje nekih privrednih subjekata ima značajan uticaj na tržište Bosne i Hercegovine, a u skladu s članom 2. stav (3) Zakona:

*"Ovaj Zakon primjenjuje se i na privredne subjekte sa sjedištem i prebivalištem u inostranstvu, ako njihovo djelovanje proizvodi značajan efekt na tržište Bosne i Hercegovine ili na značajnijem dijelu tržišta."*

Posebna pažnja u odredbama ovog Zakona se usmjerava na utvrđivanje različitih oblika zabranjenih sporazuma među privrednim subjektima, zloupotreba dominantnog položaja, te kontrolu i ocjenu raličitih oblika koncentracija.

Zakonom se osigurala efikasnost u njegovom provođenju, prije svega kroz politiku novčanih kazni za privredne subjekte u slučaju njegovog kršenja, politiku ublažavanja ili ukidanja novčanih kazni privrednim subjektima u slučaju prijavljivanja kršenja odredbi Zakona (leniency policy) Konkurencijskom vijeću.

U skladu s odredbama Zakona, pred Konkurencijskim vijećem u 2019. godini vođeni su postupci pokrenuti po zahtjevima privrednih subjekata ili po službenoj dužnosti koji su za cilj imali utvrđivanje zabranjenih sporazuma i zloupotrebe dominantnog položaja, te ocjene izuzeća pojedinih sporazuma od zabrane. Konkurencijsko vijeće je u 2019. godini kontinuisano provodilo i aktivnosti ocjene dopuštenosti koncentracija privrednih subjekata u skladu sa Zakonom.

Tokom 2019. godine održano je 17 sastanaka stručnog kolegija i 19 sjednica Konkurencijskog vijeća.

Od ukupno 31 zaprimljenog predmeta iz oblasti konkurencije u 2019. godini, 8 predmeta se odnosilo na zabranjena konkurencijska djelovanja i to: 5 predmeta su se odnosila na oblast zabranjenih sporazuma i 3 na zloupotrebu dominantnog položaja. U navedenim oblastima, na sjednicama Konkurencijskog vijeća, usvojena je 1 konačna odluka: odbijen je 1 zahtjev za utvrđivanje zloupotrebe dominantnog položaja zbog stvarne nenadležnosti, dok je preostalih 7 predmeta u postupku rješavanja.

Konkurencijsko vijeće je u 2019. godini zaprimilo 21 predmet koji se odnosi na oblast ocjene koncentracija, gdje je na sjednicama Konkurencijskog vijeća usvojeno 9 konačnih odluka: 4 koncentracije su odobrene, 4 su odbačene radi nepostojanja obaveze prijave koncentracije, 1 je uslovno dopuštena, 3 koncentracije se smatraju dopuštenima, u skladu sa članom 18. stav (6) Zakona o konkurenciji, te je 9 koncentracija u postupku rješavanja.

U toku 2019. godine Konkurencijsko vijeće je zaprimilo i 2 Zahtjeva za pojednačno izuzeće od kojih je 1 odobren, a 1 u postupku rješavanja.

Zakonom o konkurenciji je utvrđena i nadležnost Konkurencijskog vijeća za davanjem mišljenja i preporuka o bilo kojem aspektu konkurencije, uključujući i davanje mišljenja na nacрте i prijedloge zakona i drugih propisa iz oblasti koje imaju uticaja na tržišnu konkurenciju. S tim u vezi, u 2019. godini, Konkurencijsko vijeće je zaprimilo 25 zahtjeva za davanje mišljenja, a usvojilo 17 stručnih mišljenja o različitim aspektima konkurencije, dok je 8 mišljenja u postupku rješavanja.

Dakle, u 2019. godini ukupno je realizovano 45% od svih zaprimljenih predmeta pred Konkurencijskim vijećem, te je završeno 68% stručnih mišljenja u odnosu na broj zaprimljenih zahtjeva, dok su ostali predmeti zaprimljeni u toku 2019. godine u postupku rješavanja i bit će okončani u skladu sa rokovima propisanim Zakonom.

Tokom 2019. godine, Konkurencijsko vijeće je provelo ukupno 14 istraga, koje su obuhvatale različite vrste tržišta. Istrage su provođene po službenoj dužnosti ili po zahtjevu stranke.

Jedna od istraga ticala se mišljenja privrednog subjekta Plane bb, Tuzla, kojim se traži mišljenje u vezi povrede njihovog prava na učestvovanje u monitoringu veterinarskih zaraznih parazitskih oboljenja koje dodjeljuje Federalno ministarstvo poljoprivrede, vodoprivrede i šumarstva. Istraga je završena i stranka informisana da ima mogućnost da pokrene postupak, jer je utvrđeno da ne postoji dovoljan osnov sumnje za pokretanje postupka po službenoj dužnosti.

Provedena je i istraga u vezi sa novinskim člankom o kupovini preostalih 49 % vlasništva u privrednom subjektu "Grand produkcion" d.o.o. Beograd, Srbija od strane United Media Luksemburg.

Konkurencijskom vijeću, dana 12.5.2014. godine, podnijeli su zajedničku prijavu koncentracije o sticanju 51% većinskog vlasništva nad Grand produkcion d.o.o. Beograd, Srbija, zaprimljenu pod brojem 04-26-1-11-II/14. Konkurencijsko vijeće je dana 25.9.2014. godine donijelo Zaključak broj: 04-26-1-11-14-II/14 o odbacivanju prijave predmetne koncentracije zbog neispunjavanja uslova za prijavu, u smislu člana 14. stav (1) Zakona o konkurenciji.

Provedene je i istraga u vezi Nacrta odluke o jedinstvenim minimalnim budžetskim elementima vrijednosti nastavnog časa iz teorijskog i praktičnog dijela osposobljavanja kandidata za vozače, pripremljenog od strane Ministarstva ministarstva komunikacija i prometa Bosne i Hercegovine, a koji nije bio dostavljen Konkurencijskom vijeću na mišljenje, te je Konkurencijsko vijeće na osnovu sprovedene istrage i upućenog zahtjeva resornom Ministarstvu da dostavi Nacrt Odluke na uvid, sačinilo mišljenje po istom, po službenoj dužnosti.

Također je provedeno i nekoliko istraga koje su ticale tržišta proizvodnje i distribucije toplotne energije, kao i tržišta pružanja usluga isporuke vode i vodosnabdijevanja i usluga kanalizacije.

Provedena je i istraga po cirkularnom pismu zaprimljenom dana 23.05.2019. godine pod brojem: 01-50-159-1/19, koje je podnijelo fizičko lice. Cirkularnim pismom obavještava se Konkurencijsko vijeće o povezanim društvima koja djeluju i imaju monopol na tržištu bivše Jugoslavije, a koji na to tržište stavljaju proizvode od genetski modifikovane soje. Na 38. sjednici Kolegija održanoj dana 09.07.2019. godine usvojena je informacija o istrazi sa zaključkom da u predmetnom slučaju nema uslova za vođenje postupka po službenoj dužnosti i da je treba obustaviti.

Konkurencijsko vijeće je provelo i istragu u vezi Ponude za kupovinu dionica Centrotrans-Eurolines d.d. Sarajevo objavljene 24.07.2019. godine od strane privrednog subjekta Sejari d.o.o. Sarajevo. Usvojena informacija i donesena odluka o pokretanju postupka ocjene koncentracije po službenoj dužnosti na 62. sjednici 28.11.2019. godine.

Izvršena je i istraga naplate poštarine od strane Javnog preduzeća "BH Pošta" d.d. Sarajevo. Utvrđeno je da privredni subjekt "BH Pošta" vrši naplatu poštarine u iznosu od 1,80 KM za pošiljke iz inostranstva koje sadrži robu, a prispjele su neevidentirane, te da sličnu praksu imaju i druga dva javna poštanska operatera.

U skladu sa Općim uvjetima za obavljanje poštanskih usluga javni poštanski operateri u BiH naplaćuju naknadu za obične pismonosne pošiljke, kao za preporučene pošiljke, u slučaju nemogućnosti uručjenja pošiljaka koje ne odgovaraju standardnim dimenzijama za pismonosne pošiljke.

Ovo se naročito odnosi na neevidentirane pismonosne pošiljke koje sadrže robu, te se iste evidentiraju, a od primaoca se naplaćuje poštarina za rukovanje preporučenom pošiljkom u unutrašnjem saobraćaju tj. 1,80 KM po pošiljci.

U vezi sa zaključcima istrage, Konkurencijsko vijeće nema osnova za pokretanje postupka po službenoj dužnosti, ali to ne isključuje mogućnost pokretanja postupka od strane Podnosioca prijave u skladu sa čl. 27. i 28. Zakona.

Konkurencijsko vijeće vršilo je promociju tržišne konkurencije u 2019. godini, s ciljem osiguranja pravilne primjene zakonodavstva i podizanja svijesti i nivoa znanja, te upoznavanja stručne i šire javnosti o prioritetima u djelovanju Konkurencijskog vijeća, što je ostvarilo uglavnom putem stalnog informisanja javnosti i redovnog objavljivanja saopćenja za javnost te davanjem intervjuova domaćim i stranim medijima. Tako je u 2019. godini, ukupno realizirano 18 saopćenja za javnost u vezi sa odlukama donesenim na sjednicama Konkurencijskog vijeća, kao i niz saopćenja o međunarodnoj saradnji i promociji tržišne konkurencije i održanim radionicama iz oblasti relevantnih za pravo i politiku tržišne konkurencije.

Upućen je veliki broj odgovora na različite upite fizičkih i pravnih lica, i riješeno 8 Zahtjeva za pristup informacijama od kojih je odobreno 6.

Konkurencijsko vijeće je u 2019. godini nastavilo uspostavljenu bilateralnu/multilateralnu saradnju s organizacijama i institucijama iz oblasti konkurencije i to sa institucijama kao što su EC DG Comp, ICN, OECD, FTC i sl. S tim u vezi, članovi Konkurencijskog vijeća su učestvovali na konferencijama u organizaciji ovih institucija kako slijedi:

- OECD RCC Head's Meeting, Budimpešta (februar)
- Internacionalna konferencija o konkurenciji Berlin Njemačka (februar)
- AD-HOC Expert Group Meeting Ženeva Švicarska (februar)
- Dan konkurencije u organizaciji KZK Srbije, Beograd (mart)
- Učešće na V energetsom samitu, Neum (april)
- ICN ANNUAL CONFERENCE - Kartagena Kolumbija, (april)
- Konferencija AZTN, Zagreb (juni)
- "International Competition Conference" Moskva, Rusija (septembar)
- "Antitrust Global Seminar" Tel Aviv, Izrael (septembar)
- "22nd anniversary of the Turkish Competition Authority Istanbul, Republika Turska (TCA)" (novembar)

Na sastanku SEECOM – South Eastern European Communicators u Beogradu u mjesecu oktobru ispred Konkurencijskog vijeća učestvovao je viši stručni saradnik za promociju konkurencije.

Konkurencijsko vijeće je dana 24. oktobra 2019. u Sarajevu potpisalo 2 Memoranduma o razumijevanju i to: Memorandum o razumijevanju sa Agencijom za zaštitu Crne gore kojim se definišu oblici saradnje između ove dvije institucije i Memorandum o razumijevanju sa Agencijom za zaštitu konkurencije Slovenije.

Konkurencijsko vijeće je kontinuirano u 2019. godini učestvovalo u radu drugih tijela i institucija i to u odboru/pododboru za provođenje privremenog Sporazuma o stabilizaciji i pridruživanju (SSP) Bosne i Hercegovine i Europske Unije, u Vijeću za zaštitu potrošača BiH u kojem je predsjednica mr. Arijana Regoda-Dražić član, te je aktivno učestvovala u radu istog u 2019. godini.

Na 4. sastanku Odbora za stabilizaciju i pridruživanje održanom dana 7. novembra 2019. u Sarajevu prisustvovala je predsjednica Konkurencijskog vijeća mr. Arijana Regoda-Dražić.

Na 4. sastanku Pododbora za Unutrašnje tržište i konkurenciju uključujući zaštitu zdravlja i potrošača održanom dana 12. decembra u Sarajevu, prisustvovala su predsjednica Konkurencijskog vijeća mr. Arijana Regoda-Dražić i članica Konkurencijskog vijeća Adisa Begić.

Također je nastavljena saradnja sa regulatorskim tijelima iz sektora energetike, telekomunikacija, bankarstva, te drugim regulatorskim sektorskim tijelima, kao i ostalim institucijama na državnom, entitetskom i nivou Brčko distrikta Bosne i Hercegovine, udruženjima i Ombudsmanom za zaštitu potrošača Bosne i Hercegovine, agencijama i zavodima za statistiku.

Predsjednica Konkurencijskog vijeća mr. Arijana Regoda-Dražić je do 4.5.2019. godine obavljala i funkciju predsjednice Radne grupe za konkurenciju u sistemu koordinacije procesa evropskih integracija u Bosni i Hercegovini (Poglavlje broj 8), dok sada, po sistemu rotacije u navedenoj radnoj grupi obavlja funkciju zamjenika, iste.

U cilju povećanja stručnosti zaposlenih, odnosno u cilju jačanja stručnih i administrativnih kapaciteta potrebnih za rad na predmetima iz oblasti tržišne konkurencije, u 2019. godini, državni službenici koji rade na predmetima o konkurenciji učestvovali su na seminarima u organizaciji RCC-a: "Competition Rules and Cases in the Energy Sector", koji je održan u Budimpešti, Mađarska, u periodu od 10-12. decembar 2019. Godine, kao i RCC outside seminar Kiev – septembar 2019, Ukrajina, te RCC Vertical Sales Restrictions – mart 2019.

U toku 2019. godine održane su 2 ekspertske misije TAIEX-a, jedna u periodu 14.10-16.10.2019. godine, pod nazivom "Expert Mission on cartel investigation and leniency Program collaboration in insurance sector", a druga u periodu 16-18. 12.2019. pod nazivom "Expert Mission on remedies, commitments and settlements in antitrust".

Ispred Konkurencijskog vijeća na 2. CEFTA sastanku i Prvoj regionalnoj konferenciji o državnoj pomoći, Beograd 23-27.2019. godine učestvovala je Stručna savjetnica za ekonomska pitanja konkurencije.

Obuke ostalih državnih službenika odnosile su se na redovne obuke u organizaciji Agencije za državnu službu Bosne i Hercegovine, Direkcije za evropske integracije i drugih državnih tijela vezano za svakodnevno obavljanje poslova u instituciji.

Tokom 2019. godine, Konkurencijsko vijeće je nastavilo kontinuisani rad na usvajanju internih akata. Tako su u izvještajnom periodu usvojeni Izvještaj o radu za 2018. godinu, Nacrt Programa rada za 2020. godinu, Instrukcija kojom se uređuje pitanje korištenja šifre sefa za čuvanje personalnih dosjea zaposlenih u Konkurencijskom vijeću Bosne i Hercegovine kao i primopredaje personalnih dosjea između osoba zaduženih za vođenje i čuvanje personalnih dosjea – maj 2019. godine, Pravilnik o internim procedurama stvaranja i evidentiranja obaveza i načinu potpisivanja finansijske dokumentacije – juni 2019. godine, Rješenje o određivanju signature, dostavljanje pošte u rad i načinu potpisivanja akata Konkurencijskog vijeća – juni 2019. godine, Uputstvo o formi i načinu izdavanja potvrde o preuzimanju odnosno vraćanju radne knjižice i ostale dokumentacije zaposlenih u Konkurencijskom vijeću Bosne i Hercegovine – juli 2019. godine i Kodeks zaposlenih u Konkurencijskom vijeću Bosne i Hercegovine – septembar 2019. godine.

Konkurencijsko vijeće, uz saglasnost Vijeća ministara Bosne i Hercegovine, na 178. sjednici, održanoj 12.11.2019. godine, donijelo je Pravilnik o unutrašnjoj organizaciji Konkurencijskog vijeća Bosne i Hercegovine. Pravni osnov za donošenje Pravilnika sadržan je u članu 52. Zakona o upravi ("Službeni glasnik BiH", br. 32/02, 102/09 i 72/17), članu 22. Zakona o ministarstvima i drugim organima uprave

Bosne i Hercegovine ("Službeni glasnik BiH", br. 5/03, 42/03, 26/04, 42/04, 45/06, 88/07, 35/09, 59/09, 103/09, 87/12, 6/13, 10/16 i 83/17), Odluci o načelima za utvrđivanje unutrašnje organizacije organa uprave Bosne i Hercegovine ("Službeni glasnik BiH", broj: 30/13) i Odluci o razvrstavanju radnih mjesta i kriterijima za opis poslova radnih mjesta u institucijama Bosne i Hercegovine ("Službeni glasnik BiH", br. 30/13, 67/15 i 51/18), a utvrđuje se Pravilnikom koji donosi rukovodilac organa uprave, koji se smatra donesenim kada to svojom odlukom potvrdi Vijeće ministara Bosne i Hercegovine i odredbi člana 25. stav (1) tačka g) Zakona o konkurenciji ("Sl. glasnik BiH", br. 48/05, 76/07 i 80/09) u kojem je propisano da Konkurencijsko vijeće donosi Pravilnik, uz saglasnost Vijeća ministara Bosne i Hercegovine.

Razlog za donošenje Pravilnika jeste zakonska obaveza usklađivanja Pravilnika sa Odlukom o načelima za utvrđivanje unutrašnje organizacije organa uprave Bosne i Hercegovine i Odlukom o razvrstavanju radnih mjesta i kriterijima za opis poslova radnih mjesta u institucijama Bosne i Hercegovine.

Za provođenje Programa rada Konkurencijskog vijeća za 2019. godinu bila su predviđena novčana sredstva u budžetu Konkurencijskog vijeća u iznosu od 1.353.000,00 KM što je isti iznos kao i za 2018. godinu budući da je na snazi bila Odluka o privremenom finansiranju. Za prvih 9 mjeseci 2019. godine je bilo je odobreno 988.500 KM a realizovano je 936.884 KM ili 92,8% budžeta. Podaci o ukupnoj realizaciji budžeta za 2019. godinu, još uvijek nisu dostupni.

U vezi sa procesnim radnjama koje su u nadležnosti Konkurencijskog vijeća u skladu sa Zakonom o konkurenciji (npr. rješenja po prijavama namjere koncentracije, rješenja o ocjenama usklađenosti sporazuma sa odredbama Zakona, davanje mišljenja itd.), naplaćuju se administrativne takse. Uplata istih propisana je Odlukom o visini administrativnih taksi u vezi sa procesnim radnjama pred Konkurencijskom vijećem ("Službeni glasnik BiH", broj 30/06, 18/11 i 75/18).

Zakonom o konkurenciji propisano je da Konkurencijsko vijeće može izreći novčane kazne privrednim subjektima, koje mogu biti 1%, odnosno 10% ukupnog godišnjeg prihoda privrednog subjekta, u zavisnosti od težine povrede predmetnog Zakona, ako utvrdi kršenje odredbi Zakona.

Isto tako, Konkurencijsko vijeće može izreći i novčanu kaznu odgovornim licima privrednog subjekta u iznosu od 1.500,00 KM do 50.000,00 KM.

Prihodi od administrativnih taksi i novčanih kazni koje naplaćuje Konkurencijsko vijeće predstavljaju prihod Budžeta institucija Bosne i Hercegovine. U 2019. godini na osnovu administrativnih taksi uplaćen je iznos od 137.710,75 KM, na osnovu novčanih kazni iznos od 60.750,00 KM, što ukupno iznosi 198.460,75 KM ostvarenih prihoda u 2019. godini. Navedeni prihodi su u zakonom predviđenom roku uplaćeni u Budžet institucija Bosne i Hercegovine.

**II – IZVJEŠTAJ O PROVEDBI AKCIONOG PLANA PREDVIĐENOG GODIŠNJIM PROGRAMOM RADA KONKURENCIJSKOG VIJEĆA BiH**

| <b>II - IZVJEŠTAJ O PROVEDBI AKCIONOG PLANA PREDVIĐENOG GODIŠNJIM PROGRAMOM RADA KONKURENCIJSKOG VIJEĆA BiH</b>   |  |   |                        |                          |                                      |   |                    |                    |                               |                                     |          |
|---|--|---|------------------------|--------------------------|--------------------------------------|---|--------------------|--------------------|-------------------------------|-------------------------------------|----------|
| <b>Opći cilj/principi razvoja: Integrirani rast</b>   |  |   |                        |                          |                                      |   |                    |                    |                               |                                     |          |
| <b>Strateški cilj: Unaprijediti razvoj konkurentnog ekonomskog okruženja</b>  |  |   |                        |                          |                                      |   |                    |                    |                               |                                     |          |
| <b>Srednjoročni cilj: Unaprijediti sistem infrastrukture kvaliteta u skladu sa EU legislativama i dobrom praksom EU, efikasniju regulaciju tržišta u svrhu obezbjeđenja slobodnog kretanja roba i usluga i tržišne fer konkurencije</b> |  |   |                        |                          |                                      |   |                    |                    |                               |                                     |          |
| <b>Specifični cilj: Povećati stepen zaštite tržišne konkurencije na tržištu BiH</b>   |  |   |                        |                          |                                      |   |                    |                    |                               |                                     |          |
| Programi, projekti i aktivnosti   | Nosilac aktivnost i (organizaciona jedinica) | Pokazatelji                             |                        |                          |                                      | Izvori finansiranja i troškovi                            |                    |                    | Vrijeme provedbe              |                                     | Komentar |
|   |  | Jedinica mjerenja (% , broj ili opisno) | Polazna vrijednost (n) | Ciljana vrijednost (n+1) | Ostvarena vrijednost na kraju godine | Izvori finansiranja (proračun, krediti, donacije, ostalo) | Planirani troškovi | Ostvareni troškovi | Planirani kvartal za provedbu | Kvartal kada je aktivnost provedena |          |
| 1   | 2  | 3                                       | 4                      | 5                        | 6                                    | 7   | 8                  | 9                  | 10                            | 11                                  | 12       |
| <b>1.1 Rješavanje predmeta iz oblasti konkurencije po službenoj dužnosti i zahtjevu stranaka, uključujući i promociju i zaštitu tržišne konkurencije</b>  |  |   |                        |                          |                                      |   |                    |                    |                               |                                     |          |
| <b>1.1.1 Rješavanje predmeta iz oblasti konkurencije i davanje stručnih mišljenja</b>   |  |   |                        |                          |                                      |   |                    |                    |                               |                                     |          |
| 1.1.1.1. Utvrđivanje zabranjenih sporazuma i zloupotrebe dominantnog položaja   | KV BiH                                       | Broj riješenih predmeta                 | 8                      | 8                        | 1                                    |   |                    |                    | Kontinuirano                  |                                     |          |
| 1.1.1.2. Utvrđivanje pojedinačnih izuzeća   | KV BiH                                       | Broj riješenih predmeta                 | 2                      | 2                        | 1                                    |   |                    |                    | Kontinuirano                  |                                     |          |

|   |        |                            |    |    |    |  |  |  |              |  |  |
|---|--------|----------------------------|----|----|----|--|--|--|--------------|--|--|
| 1.1.1.3. Ocjena koncentracija   | KV BiH | Broj riješenih predmeta    | 21 | 21 | 12 |  |  |  | Kontinuirano |  |  |
| 1.1.1.4. Davanje mišljenja  | KV BiH | Broj riješenih predmeta    | 25 | 25 | 17 |  |  |  | Kontinuirano |  |  |
| 1.1.2.1.Promocija i zaštita tržišne konkurencije  | KV BiH | Broj saopštenja za javnost | 0  | 19 | 19 |  |  |  | Kontinuirano |  |  |
| 1.1.3.1 Pokretanje inicijative kod Ministarstva vanjske trgovine i ekonomskih odnosa Bosne i Herecegovine za izmjene i dopune Zakona o konkurenciji | KV BiH | Broj                       | 0  | 1  | 0  |  |  |  | Kontinuirano |  |  |

### **III - IZVJEŠTAJ O IZRAĐENIM ZAKONIMA PLANIRANIH GODIŠNJIM PROGRAMOM RADA KONKURENCIJSKOG VIJEĆA BiH**

| <b>III - IZVJEŠTAJ O IZRAĐENIM ZAKONIMA PLANIRANIH GODIŠNJIM PROGRAMOM RADA KONKURENCIJSKOG VIJEĆA BiH</b>  |                                 |                                     |  |                           |                            |                          |          |
|---|---------------------------------|-------------------------------------|--|---------------------------|----------------------------|--------------------------|----------|
| <b>Opći cilj/principi razvoja: Integrisani rast</b>   |                                 |                                     |  |                           |                            |                          |          |
| <b>Strateški cilj: Unaprijediti razvoj konkurentnog ekonomskog okruženja</b>  |                                 |                                     |  |                           |                            |                          |          |
| <b>Srednjoročni cilj: Unaprijediti sistem infrastrukture kvaliteta u skladu sa EU legislativama i dobrom praksom EU, efikasniju regulaciju tržišta u svrhu obezbjeđenja slobodnog kretanja roba i usluga i tržišne fer konkurencije</b> |                                 |                                     |  |                           |                            |                          |          |
| <b>Specifični cilj: Povećati stepen zaštite tržišne konkurencije na tržištu BiH</b>   |                                 |                                     |  |                           |                            |                          |          |
| Naziv zakona  | Vrijeme provođenja              |                                     | Status zakona zaključno sa 31.12. _____ godine |                           |                            |                          | Komentar |
|   | Planirani kvartal za provođenje | Kvartal kada je aktivnost provedena | Upućen VM BiH (DA/NE)                          | Usvojen na VM BiH (DA/NE) | Procedura u PS BiH (DA/NE) | Usvojen u PS BiH (DA/NE) |          |
| 1   | 2                               | 3                                   | 4  | 5                         | 6                          | 7                        | 8        |



|  |   |   |   |   |   |   |   |
|--|---|---|---|---|---|---|---|
| <b>1.1 Rješavanje predmeta iz oblasti konkurencije po službenoj dužnosti i zahtjevu stranaka, uključujući i promociju i zaštitu tržišne konkurencije</b> |   |   |   |   |   |   |   |
| <b>1.1.1 Rješavanje predmeta iz oblasti konkurencije i davanje stručnih mišljenja</b>  |   |   |   |   |   |   |   |
| 1.1.1.1 (naziv zakona)   | - | - | - | - | - | - | - |
| 1.1.1.2 (naziv zakona)...  | - | - | - | - | - | - | - |
| <b>1.1.2 (naziv projekta)...</b>   |   |   |   |   |   |   |   |
| <b>1.2 (naziv programa)...</b>   |   |   |   |   |   |   |   |

**IV – IZVJEŠTAJ O IZRAĐENIM PODZAKONSKIM AKTIMA PLANIRANIH GODIŠNJIM PROGRAMOM RADA KONKURENCIJSKOG VIJEĆA BiH**

| <b>III - IZVJEŠTAJ O IZRAĐENIM PODZAKONSKIM AKTIMA PLANIRANIH GODIŠNJIM PROGRAMOM RADA KONKURENCIJSKOG VIJEĆA BiH</b>   |  |                                     |  |   |                       |                           |          |
|---|--|-------------------------------------|--|---|-----------------------|---------------------------|----------|
| <b>Opći cilj/principi razvoja: Integrirani rast</b>   |  |                                     |  |   |                       |                           |          |
| <b>Strateški cilj: Unaprijediti razvoj konkurentnog ekonomskog okruženja</b>  |  |                                     |  |   |                       |                           |          |
| <b>Srednjoročni cilj: Unaprijediti sustav zaštite i promocije konkurencije u skladu sa EU legislativama i dobrom praksom EU, efikasniju regulaciju tržišta u svrhu obezbjeđenja slobodnog kretanja roba i usluga i tržišne fer konkurencije</b> |  |                                     |  |   |                       |                           |          |
| <b>Specifični cilj: Povećati stupanj zaštite tržišne konkurencije na tržištu BiH</b>  |  |                                     |  |   |                       |                           |          |
| Naziv podzakonskog akta   | Vrijeme provedbe                         |                                     | Status podzakonskog akta zaključno sa 31.12.2019. godine |   |                       |                           | Komentar |
|   | Planirani kvartal za provedbe aktivnosti | Kvartal kada je aktivnost provedena | Upućen rukovoditelju (DA/NE)                             | Usvojen od strane rukovoditelju (DA/NE) | Upućen VM BiH (DA/NE) | Usvojen na VM BiH (DA/NE) |          |
| <i>1</i>  | <i>2</i>                                 | <i>3</i>                            |  |   | <i>4</i>              | <i>5</i>                  | <i>6</i> |
| <b>1.1 Zaštita tržišne konkurencije</b>   |  |                                     |  |   |                       |                           |          |
| <b>1.1.1 Izmjene i dopune podzakonskog akta</b>   |  |                                     |  |   |                       |                           |          |
|   |  |                                     |  |   |                       |                           |          |

**V - IZVJEŠTAJ O IZRAĐENIM MEĐUNARODNIM UGOVORIMA PLANIRANIH GODIŠNJIM PROGRAMOM RADA  
KONKURENCIJSKOG VIJEĆA BiH**

| <b>V - IZVJEŠTAJ O IZRAĐENIM MEĐUNARODNIM UGOVORIMA PLANIRANIH GODIŠNJIM PROGRAMOM RADA<br/>KONKURENCIJSKOG VIJEĆA BiH</b>  |                                 |                                     |  |                           |  |                                      |          |
|---|---------------------------------|-------------------------------------|--|---------------------------|--|--------------------------------------|----------|
| <b>Opći cilj/principi razvoja: Integrirani rast</b>   |                                 |                                     |  |                           |  |                                      |          |
| <b>Strateški cilj: Unaprijediti razvoj konkurentnog ekonomskog okruženja</b>  |                                 |                                     |  |                           |  |                                      |          |
| <b>Srednjoročni cilj: Unaprijediti sustav zaštite i promocije konkurencije u skladu sa EU legislativama i dobrom praksom EU, efikasnu regulaciju tržišta u svrhu obezbjeđenja slobodnog kretanja roba i usluga i tržišne fer konkurencije</b> |                                 |                                     |  |                           |  |                                      |          |
| <b>Specifični cilj: Povećati stupanj zaštite tržišne konkurencije na tržištu BiH</b>  |                                 |                                     |  |                           |  |                                      |          |
| Naziv međunarodnog ugovora  | Vrijeme provođenja              |                                     | Status međunarodnog ugovora zaključno sa 31.12. _____ godine |                           |  |                                      | Komentar |
|   | Planirani kvartal za provođenje | Kvartal kada je aktivnost provedena | Upućen VM BiH (DA/NE)  | Usvojen na VM BiH (DA/NE) | Procedura u Predsjedništvu BiH (DA/NE) | Usvojen u Predsjedništvu BiH (DA/NE) |          |
| 1   | 2                               | 3                                   | 4  | 5                         | 6                                      | 7                                    | 8        |
| <b>1.1 Rješavanje predmeta iz oblasti konkurencije po službenoj dužnosti i zahtjevu stranaka, uključujući i promociju i zaštitu tržišne konkurencije</b>  |                                 |                                     |  |                           |  |                                      |          |
| <b>1.1.1 Rješavanje predmeta iz oblasti konkurencije i davanje stručnih mišljenja</b>   |                                 |                                     |  |                           |  |                                      |          |
| 1.1.1.1 (naziv međunarodnog ugovora)  | -                               | -                                   | -  | -                         | -                                      | -                                    | -        |
| 1.1.1.2 (naziv međunarodnog ugovora)...   | -                               | -                                   | -  | -                         | -                                      | -                                    | -        |
| <b>1.1.2 (naziv projekta)...</b>  |                                 |                                     |  |                           |  |                                      |          |
| <b>1.2 (naziv programa)...</b>  |                                 |                                     |  |                           |  |                                      |          |

**VI - IZVJEŠTAJ O REALIZACIJI JAVNIH INVESTICIJA PLANIRANIH GODIŠNJIM PROGRAMOM RADA KONKURENCIJSKOG VIJEĆA BiH**

| <b>VI - IZVJEŠTAJ O REALIZACIJI JAVNIH INVESTICIJA PLANIRANIH GODIŠNJIM PROGRAMOM RADA KONKURENCIJSKOG VIJEĆA BiH</b>   |                              |                 |   |          |
|---|------------------------------|-----------------|---|----------|
| <b>Opći cilj/principi razvoja: Integrirani rast</b>   |                              |                 |   |          |
| <b>Strateški cilj: Unaprijediti razvoj konkurentnog ekonomskog okruženja</b>  |                              |                 |   |          |
| <b>Srednjoročni cilj: Unaprijediti sustav zaštite i promocije konkurencije u skladu sa EU legislativama i dobrom praksom EU, efikasnu regulaciju tržišta u svrhu obezbjeđenja slobodnog kretanja roba i usluga i tržišne fer konkurencije</b> |                              |                 |   |          |
| <b>Specifični cilj: Povećati stupanj zaštite tržišne konkurencije na tržištu BiH</b>  |                              |                 |   |          |
| Naziv projekta javnih investicija   | Vrijeme realizacije          |                 | Status<br>(ZAVRŠENO, U POSTUPKU, ODLOŽENO, PREKINUTO) | Komentar |
|   | Očekivani period realizacije | Završen (DA/NE) |   |          |
| 1   | 2                            | 3               | 4   | 5        |
| <b>1.1 Rješavanje predmeta iz oblasti konkurencije po službenoj dužnosti i zahtjevu stranaka, uključujući i promociju i zaštitu tržišne konkurencije</b>  |                              |                 |   |          |
| <b>1.1.1 Rješavanje predmeta iz oblasti konkurencije i davanje stručnih mišljenja</b>   |                              |                 |   |          |
| 1.1.1.1 (naziv projekta javnih investicija)   | -                            | -               | -   | -        |
| 1.1.1.2 (naziv projekta javnih investicija)...  | -                            | -               | -   | -        |
| <b>1.1.2 (naziv projekta)...</b>  |                              |                 |   |          |
| <b>1.2 (naziv programa)...</b>  |                              |                 |   |          |

**VII - IZVJEŠTAJ O PROVEDENIM KONSULTACIJAMA KOD IZRADE IZVJEŠTAJA O RADU KONKURENCIJSKOG VIJEĆA BiH**

Kod izrade Izvještaja o radu, Konkurencijsko vijeće je u skladu sa članom 4. stav (1) tačka b) i članu 11. stav (4) Odluke o godišnjem planiranju rada i načina praćenja i izvještavanja o radu u institucijama Bosne i Hercegovine („Službeni glasnik BiH“, broj 94/14) primijenilo Pravila za konsultacije.

Konkurencijsko vijeće je dana 23.01.2020. godine na 63.(šestdesettrećoj) sjednici usvojilo nacrt Izvještaja o radu Konkurencijskog vijeća BiH za 2019. godinu.

Javne konsultacije na nacrt Izvještaja o radu Konkurencijskog vijeća za 2019. godinu su započele dana 23.01.2020. godine, putem web-stranice Konkurencijskog vijeća [www.bihkonk.gov.ba](http://www.bihkonk.gov.ba) i trajat će do dana 07.02.2020. godine.

Konkurencijsko vijeće je dana 23.01.2020. godine, postavilo nacrt Izvještaja o radu Konkurencijskog vijeća za 2019. godinu na web aplikaciju e-Konsultacije radi javnih konsultacija koje će trajati do 07.02.2020. godine. Tokom trajanja e-konsultacija, Konkurencijsko vijeće nije zaprimilo niti jedan prijedlog, ni komentar od strane zainteresirane javnosti na nacrt Izvještaja o radu Konkurencijskog vijeća za 2019. godinu. Izvještaj o radu Konkurencijskog vijeća Bosne i Hercegovine usvojen je na 6. sjednici Vijeća ministara Bosne i Hercegovine održanoj 28.5.2020.

**Predsjednik**

**dr. Stjepo Pranjić**